

Resolución da Dirección Xeral de Xustiza, pola que se convoca a provisión en comisión de servizo de postos de traballo entre persoal funcionario dos corpos e escalas ao servizo da Administración de xustiza

A Lei orgánica 6/1985, do 1 de xullo, do poder xudicial (LOPX), regula no seu artigo 527.1º a provisión temporal de postos vacantes mediante a comisión de servizos entreméntres non resulte posible a súa provisión definitiva mediante concurso de traslados.

O Real decreto 1451/2005, do 7 de decembro, polo que se aproba o Regulamento de ingreso, provisión de postos de traballo e promoción profesional do persoal funcionario ao servizo da Administración de Xustiza, ditado en desenvolvemento do previsto na lei orgánica do poder xudicial, regula no seu artigo 73 as comisións de servizo.

Así mesmo, e no exercicio das súas competencias, por parte da comunidade autónoma de Galicia ditouse a Resolución do 19 de decembro de 2025, da Dirección Xeral de xustiza, pola que se establecen criterios para a cobertura de postos de traballo mediante comisión de servizos no ámbito da Administración de xustiza na Comunidade Autónoma de Galicia.

Producida ou próxima a producirse a vacante, e apreciada a necesidade e idoneidade da cobertura mediante comisión de servizos, procede anunciar a convocatoria para a súa provisión de acordo co previsto no artigo 5 da Resolución do 19 de decembro de 2025, da Dirección Xeral de xustiza, pola que se establecen criterios para a cobertura de postos de traballo mediante comisión de servizos no ámbito da Administración de xustiza na Comunidade Autónoma de Galicia.

BASES DA CONVOCATORIA

Primeira. Solicitantes

Poderá participar o persoal funcionario de carreira con destino definitivo en calquera ámbito territorial e que estea en servizo activo no mesmo corpo do posto que se pretende prover, sempre que transcorrese un ano desde a toma de posesión do último posto de traballo obtido, ben por concurso de traslados, ben por ser persoal de novo ingreso.

O persoal funcionario que á data da publicación desta convocatoria estea desempeñando un posto en comisión de servizos ou substitución, poderá participar na



convocatoria sempre que leve máis dun ano na comisión de servizos ou substitución respectiva.

Segunda. Postos de traballo ofertados

Os relacionados no Anexo I, coa indicación da causa da desocupación.

Terceira. Prazo e modo de presentación das solicitudes

O prazo de presentación de solicitudes será de cinco (5) días hábiles contados a partir do día seguinte ao da publicación desta convocatoria na intranet de xustiza (<http://intranet.xustiza.gal>) e mais na web da Consellería de Presidencia, Xustiza e Deportes (<https://cpxt.xunta.gal/xustiza/persoal/comisions-servizo>).

Todas as persoas solicitantes deberán completar obrigatoriamente a súa solicitude a través do formulario electrónico dispoñible na Oficina Virtual do Persoal da Administración de Xustiza (OPAX), no sitio web <http://opax.xunta.es> de conformidade co artigo 6 da Resolución do 19 de decembro de 2025.

Cuarta. Informe

Para cumprir co previsto no artigo 73 do Real decreto 1451/2005, do 7 de decembro, polo que se aproba o Regulamento de ingreso, provisión de postos de traballo e promoción profesional do persoal funcionario ao servizo da Administración de Xustiza, as solicitudes irán acompañadas co informe, preceptivo e non vinculante, da persoa responsable do órgano, servizo ou unidade no que se atope destinado o persoal funcionario solicitante. No caso de que o órgano correspondente non emita informe, deberá acreditar que o solicitou.

Ademais, para o caso de que o destino da persoa solicitante radique fóra da Comunidade Autónoma de Galicia, esta deberá presentar, xunto coa solicitude, o informe favorable do Ministerio de Xustiza ou órgano competente da comunidade autónoma respectiva. De non ser posible, deberá presentar acreditación de que efectivamente o solicitou.



Quinta. *Recursos*

Contra a presente resolución, que esgota a vía administrativa, poderase interpoñer recurso de reposición ante o director xeral de Xustiza no prazo dun mes, ou recurso contencioso-administrativo ante o órgano competente no prazo de dous meses. Ambos os dous prazos se contarán a partir do día seguinte ao da publicación desta resolución na intranet de xustiza (<http://intranet.xustiza.gal>) e mais na web da Consellería de Presidencia, Xustiza e Deportes (<https://cpxt.xunta.gal/xustiza/persoal/comisions-servizo>).

O director xeral de Xustiza

José Tronchoni Albert

DOCUMENTO ASINADO ELECTRONICAMENTE



ANEXO I
Postos ofertados

1. Xefe/a de servizo de Área de Clínica Médico-Forense.

1. Características do posto:

Código do posto: XG9251820015770310.03

Centro de destino: Instituto de Medicina Legal de Galicia. Subdirección Territorial de Santiago de Compostela.

Forma de provisión: Concurso específico de méritos.

2. Funcións:

As previstas nos artigos 15 e 17 do Decreto 119/2005, do 6 de maio (DOG do 18/05/2005), polo que se crea o Instituto de Medicina Legal de Galicia.

3. Requisitos de participación:

Funcionario/a de carreira do corpo de médicos forenses en activo con cinco anos de experiencia.

4. Formación específica:

Coñecementos e experiencia en valoración do dano corporal e psiquiatría forense.

Coñecementos de informática: sistemas operativos, tratamento de textos, folla de cálculo, base de datos, Internet e correo electrónico.

5. Criterios de adxudicación.

Primeira fase: valoración de méritos xerais, cun máximo de 72 puntos

1. *Antigüidade.* Cun máximo de 45 puntos, á razón de 2 puntos por cada ano completo de servizos. Os períodos inferiores ao ano computaranse proporcionalmente á razón de 0,0055 puntos por día, establecéndose os meses como de trinta (30) días.



2. *Coñecementos da lingua galega.* Cun máximo de 12 puntos, a acreditación de coñecementos da lingua galega mediante os certificados de aptitude emitidos pola Secretaría Xeral de Política Lingüística da Xunta de Galicia ou a Dirección Xeral de Xustiza, ou certificados ou diplomas equiparados segundo a normativa vixente, valorarase, segundo o nivel acadado, consonte o seguinte:

- a) Celga 4 ou equivalente: 4 puntos.
- b) Curso medio de linguaxe xurídica galega: 8 puntos.
- c) Curso superior de linguaxe xurídica galega: 12 puntos.

3. *Actividades docentes, publicacións, comunicacións e asistencia a congresos.* Cun máximo de 15 puntos, segundo os criterios seguintes:

- a) Por actividades docentes relacionadas coa medicina legal: ata 5 puntos, á razón de 0,2 puntos por cada dez (10) horas de impartición en calquera organismo docente, público ou privado, oficialmente recoñecido ou homologado, así como en centros oficiais de formación de funcionarios.
- b) Por publicacións e comunicacións relacionadas coa medicina legal: ata 8 puntos.
 - Por comunicacións en congresos nacionais: ata 0,2 puntos por cada unha.
 - Por comunicacións en congresos internacionais: ata 0,4 puntos por cada unha.
 - Por relatorios en congresos nacionais: ata 0,6 puntos por cada un.
 - Por relatorios en congresos internacionais: ata 0,8 puntos por cada un.
 - Por publicacións en revistas nacionais: ata 1 punto por cada unha.
 - Por publicacións en revistas internacionais: ata 1,2 puntos por cada unha.
 - Por participación en libros e monografías: ata 1,4 puntos por cada unha.

Para puntuar cada actividade, terase en conta o grao de participación da persoa candidata na elaboración das comunicacións, estudos ou publicacións



c) Por asistencia a congresos e xornadas sobre medicina legal: ata 2 puntos, á razón de 0,1 puntos por cada congreso nacional ou xornada. En todo caso, só se valorarán os cursos, congresos e xornadas organizados, ou homologados, por colexios profesionais, asociacións profesionais de médicos forenses, universidades ou centros oficiais de formación.

d) Valoración da memoria: ata 0,2 puntos. A memoria debe estar asinada e de extensión non superior aos 10 folios na cal a persoa candidata realice unha análise das tarefas do posto solicitado e das condicións e medios necesarios para o seu desempeño, suscite propostas de mellora no desenvolvemento das funcións e faga constar todas aquelas outras cuestións que considere de interese ou importancia, con base na descrición das funcións do posto.

Segunda fase: valoración de méritos específicos, cun máximo de 43 puntos

A. *Experiencia profesional*. Cun máximo de 10 puntos, valorándose para o efecto:

- Desempeñar nos institutos de medicina legal o posto de xefe/a de servizo ou xefe/a de sección na área de clínica médico-forense: ata 10 puntos, valorándose ata 2 puntos por ano.

B. *Titulacións académicas*. Cun máximo de 20 puntos, valorándose para o efecto:

1. A posesión do título de especialista en medicina legal e forense, expedido ou homologado polo ministerio competente en materia de educación: ata 10 puntos.

2. A posesión do título de médico especialista en psiquiatría ou do título de médico especialista en traumatoloxía, expedidos ou homologados polo ministerio competente en materia de educación: ata 7 puntos.



3. A posesión do título de médico especialista en medicina interna, xinecoloxía ou reumatoloxía, expedidos ou homologados polo ministerio competente en materia de educación: ata 5 puntos.

4. A posesión do título de médico especialista en especialidade diferente ás comprendidas nos apartados anteriores, expedido ou homologado polo ministerio competente en materia de educación: ata 3 puntos.

5. A posesión dun título ou diploma universitario de máster en valoración de dano corporal ou curso universitario especialista en medicina legal: ata 4 puntos.

Para estes efectos só se valorarán os estudos de posgrao realizados en calquera universidade española, cunha duración mínima de 50 créditos entre teóricos e prácticos e cunha duración lectiva de polo menos un curso académico.

6. Doutoramento con premio extraordinario: ata 10 puntos.

Doutoramento con sobresaínte: ata 7 puntos.

Doutoramento con outras puntuacións: ata 3 puntos.

C. Coñecementos, formación profesional e investigación. Cun máximo de 10 puntos, en función dos méritos seguintes:

1. Por formación, na área de clínica médico-forense: ata 10 puntos, á razón de ata 0,4 puntos por cada dez (10) horas. Só se valorarán os méritos deste apartado se son froito de actividades convocadas e organizadas pola universidade, institutos ou escolas oficiais, Centro de Estudos Xurídicos do Ministerio de Xustiza, Dirección Xeral de Xustiza ou Escola Galega de Administración Pública, e cando foran homologados por unha Administración pública, excluíndose a formación recibida para obter as titulacións académicas comprendidas no apartado B anterior.

2. Por formación específica noutras áreas da medicina forense ou en materias ou disciplinas médicas que garden relación co posto solicitado: ata 5 puntos, á razón



de ata 0,2 puntos por cada dez (10) horas. Só se valorarán os méritos deste apartado se son froito de actividades convocadas e organizadas pola universidade, institutos ou escolas oficiais, Centro de Estudos Xurídicos do Ministerio de Xustiza, Dirección Xeral de Xustiza ou Escola Galega de Administración Pública, e cando foran homologados por unha Administración pública, excluíndose a formación recibida para obter as titulacións académicas comprendidas no apartado B anterior.

3. Por bolsas e participación en proxectos de investigación oficiais en materias relacionadas co posto solicitado: ata 5 puntos, sempre que estas actividades non fosen valoradas na primeira fase (méritos xerais).

D. Coñecementos de informática e técnicas audiovisuais. Cun máximo de 3 puntos, valorándose para o efecto:

Os cursos de formación informática (sistemas operativos, tratamento de textos, tratamento de imaxes, folia de cálculo, bases de datos, Internet e correo electrónico), así como cursos de fotografía e métodos de reprodución, convocados e organizados pola universidade, institutos ou escolas oficiais, Centro de Estudos Xurídicos do Ministerio de Xustiza, Dirección Xeral de Xustiza ou Escola Galega de Administración Pública, así como tamén os convocados polas organizacións sindicais, cando foran homologados por unha Administración pública: ata 3 puntos, á razón de 0,1 puntos por cada dez (10) horas de formación recibida.





2. Xefe/a de sección Área de Clínica Médico-Forense

1. Características do posto:

Código do posto: XG9251820036001308.04

Centro de destino: Instituto de Medicina Legal de Galicia. Subdirección Territorial de Pontevedra.

Forma de provisión: Concurso específico de méritos.

2. Funcións:

As previstas nos artigos 15 e 18 do Decreto 119/2005, do 6 de maio (DOG do 18/05/2005), polo que se crea o Instituto de Medicina Legal de Galicia.

3. Requisitos de participación:

Funcionario/a de carreira do corpo de médicos forenses en activo con cinco anos de experiencia.

4. Formación específica:

Coñecementos e experiencia en valoración do dano corporal e psiquiatría forense. Coñecementos de informática: sistemas operativos, tratamento de textos, folla de cálculo, base de datos, Internet e correo electrónico.

5. Criterios de adxudicación.

Primeira fase: valoración de méritos xerais, cun máximo de 72 puntos

1. *Antigüidade.* Cun máximo de 45 puntos, á razón de 2 puntos por cada ano completo de servizos. Os períodos inferiores ao ano computaranse proporcionalmente á razón de 0,0055 puntos por día, establecéndose os meses como de trinta (30) días.

2. *Coñecementos da lingua galega.* Cun máximo de 12 puntos, a acreditación de coñecementos da lingua galega mediante os certificados de aptitude emitidos pola Secretaría Xeral de Política Lingüística da Xunta de Galicia ou a Dirección Xeral de



Xustiza, ou certificados ou diplomas equiparados segundo a normativa vixente, valorarase, segundo o nivel acadado, consonte o seguinte:

- a) Celga 4 ou equivalente: 4 puntos.
- b) Curso medio de linguaxe xurídica galega: 8 puntos.
- c) Curso superior de linguaxe xurídica galega: 12 puntos.

3. *Actividades docentes, publicacións, comunicacións e asistencia a congresos.* Cun máximo de 15 puntos, segundo os criterios seguintes:

- a) Por actividades docentes relacionadas coa medicina legal: ata 5 puntos, á razón de 0,2 puntos por cada dez (10) horas de impartición en calquera organismo docente, público ou privado, oficialmente recoñecido ou homologado, así como en centros oficiais de formación de funcionarios.
- b) Por publicacións e comunicacións relacionadas coa medicina legal: ata 8 puntos.
 - Por comunicacións en congresos nacionais: ata 0,2 puntos por cada unha.
 - Por comunicacións en congresos internacionais: ata 0,4 puntos por cada unha.
 - Por relatorios en congresos nacionais: ata 0,6 puntos por cada un.
 - Por relatorios en congresos internacionais: ata 0,8 puntos por cada un.
 - Por publicacións en revistas nacionais: ata 1 punto por cada unha.
 - Por publicacións en revistas internacionais: ata 1,2 puntos por cada unha.
 - Por participación en libros e monografías: ata 1,4 puntos por cada unha.

Para puntuar cada actividade, terase en conta o grao de participación da persoa candidata na elaboración das comunicacións, estudos ou publicacións.

- c) Por asistencia a congresos e xornadas sobre medicina legal: ata 2 puntos, á razón de 0,1 puntos por cada congreso nacional ou xornada. En todo caso, só se valorarán os cursos, congresos e xornadas organizados, ou homologados, por colexios



profesionais, asociacións profesionais de médicos forenses, universidades ou centros oficiais de formación.

d) Valoración da memoria: ata 0,2 puntos. A memoria debe estar asinada e de extensión non superior aos 10 folios na cal a persoa candidata realice unha análise das tarefas do posto solicitado e das condicións e medios necesarios para o seu desempeño, suscite propostas de mellora no desenvolvemento das funcións e faga constar todas aquelas outras cuestións que considere de interese ou importancia, con base na descrición das funcións do posto.

Segunda fase: valoración de méritos específicos, cun máximo de 43 puntos

A. *Experiencia profesional.* Cun máximo de 10 puntos, valorándose para o efecto:

- Desempeñar nos institutos de medicina legal o posto de xefe/a de sección na área de clínica médico-forense: ata 10 puntos, valorándose ata 2 puntos por ano.

B. *Titulacións académicas.* Cun máximo de 20 puntos, valorándose para o efecto:

1. A posesión do título de especialista en medicina legal e forense, expedido ou homologado polo ministerio competente en materia de educación: ata 10 puntos.

2. A posesión do título de médico especialista en psiquiatría ou do título de médico especialista en traumatoloxía, expedidos ou homologados polo ministerio competente en materia de educación: ata 7 puntos.

3. A posesión do título de médico especialista en medicina interna, xinecoloxía ou reumatoloxía, expedido ou homologado polo ministerio competente en materia de educación: 5 puntos.

4. A posesión do título de médico especialista en especialidade diferente ás comprendidas nos apartados anteriores, expedido ou homologado polo ministerio competente en materia de educación: ata 3 puntos.



5. Doutoramento con premio extraordinario: ata 10 puntos.

Doutoramento con sobresaínte: ata 7 puntos.

Doutoramento con outras puntuacións: ata 3 puntos.

C. Coñecementos, formación profesional e investigación. Cun máximo de 10 puntos, en función dos méritos seguintes:

1. Por formación, na área de clínica médico-forense: ata 10 puntos, á razón de ata 0,4 puntos por cada dez (10) horas. Só se valorarán os méritos deste apartado se son froito de actividades convocadas e organizadas pola universidade, institutos ou escolas oficiais, Centro de Estudos Xurídicos do Ministerio de Xustiza, Dirección Xeral de Xustiza ou Escola Galega de Administración Pública, e cando foran homologados por unha Administración pública, excluíndose a formación recibida para obter as titulacións académicas comprendidas no apartado B anterior.

2. Por formación específica noutras áreas da medicina forense ou en materias ou disciplinas médicas que garden relación co posto solicitado: ata 5 puntos, á razón de ata 0,2 puntos por cada dez (10) horas. Só se valorarán os méritos deste apartado se son froito de actividades convocadas e organizadas pola universidade, institutos ou escolas oficiais, Centro de Estudos Xurídicos do Ministerio de Xustiza, Dirección Xeral de Xustiza ou Escola Galega de Administración Pública, e cando foran homologados por unha Administración pública, excluíndose a formación recibida para obter as titulacións académicas comprendidas no apartado B anterior.

3. Por bolsas e participación en proxectos de investigación oficiais en materias relacionadas co posto solicitado: ata 5 puntos, sempre que estas actividades non fosen valoradas na primeira fase (méritos xerais).

D. Coñecementos de informática e técnicas audiovisuais. Cun máximo de 3 puntos, valorándose para o efecto:



Os cursos de formación informática (sistemas operativos, tratamento de textos, tratamento de imaxes, folla de cálculo, bases de datos, Internet e correo electrónico), así como cursos de fotografía e métodos de reprodución, convocados e organizados pola universidade, institutos ou escolas oficiais, Centro de Estudos Xurídicos do Ministerio de Xustiza, Dirección Xeral de Xustiza ou Escola Galega de Administración Pública, así como tamén os convocados polas organizacións sindicais, cando foran homologados por unha Administración pública: ata 3 puntos, á razón de 0,1 puntos por cada dez (10) horas de formación recibida.

3. Médico-Forense na Subdirección Territorial de Ferrol

Características do posto:

Código do posto: XG9251820015350302

Centro de destino: Instituto de Medicina Legal de Galicia. Subdirección Territorial de Ferrol

Forma de provisión: Concurso de traslados.

Motivo da desocupación: xubilación

